



Cingzngeih Gyaeundei

美好的友谊

Mbat banringzvaq seizcou ndeu, gou gag youq dieg lienhdang guhcaemz, gou song fwngz gaem suenggangq, bibuengq le song mbat, lumj duzlingz iq nei, bi bae naj, caiq diuq roengzdaeuq, an' onj roengz dieg.

“Ai! Caen mbwq ha! Gyoengq siujbaengzyoux bae gizlawz liux? Guhlawz mbouj miz vunz caeuq gou guhcaemz?”

“Danghnaeuz daxmeh ndaej buenx gou guhcaemz couh ndei lai lo, hoeng daxmeh lij guh hong, mbouj ndaej buenx gou guhcaemz.”

“Danghnaeuz Senhsenh youq gizneix couh ndei lai lo, hojsik de gaenq caeuq boux lwgmbwk biz-bodbod wnq baenz baengzyoux ndei, mbouj caeuq gou guhcaemz lo, ai!”

Baez naemj daengz gienh saeh neix, gou ndawsim yaepyet couh

siengsim, raemxda doek lo, menhmenh yangznaek mbat ndeu.

Sawqmw, gou yawjraen youq gwnz roen henz aen laerod iq miz boux lwgmbwk gwi hanci ndeu. De naj luenzldw, byoem dinjdet daengz goek rwz, lwgda hunghwd, sawdikdik, gak da miz di goz doxhwnj, yawj hwnjbae dwg vunz caemcingh.

“Gou caeuq de guh baengzyoux ndaej lwi?”

“Aen ci de ciq hawj gou gwi hanci ndaej lwi?”

“Danghnaeuz de mbouj ei, gou yienghneix mbouj dwg mbouj miz danaj, ai! Mbouj guenj lo, vih mbouj boux dog baenzneix mbwq, gou lijdwg cawjdoengh di ba.”

Gou miz di najmong buet gvaqbae caeuq de naeuz: “Gou ciq aen ci mwngz gwi hanci ndaej lwi?”

“Ndaej ha.” Dah haenx dapwngq

gou sangjswd. Gou gwi hanci youq gwnz aen danci saekmaeq de, song ga caiq ci riengjret, gwi hanci coh baihnaj riengjret. De youq baihlaeng gyaep gou, gou caeuq de itloh angqyangz riu cung bae coh baihnaj.

“Bung!” Boihseiz, de laemx lo. Gou guhmuengz gwi hanci doxdaq, mwh caj gou gwi hanci daengz henz de, de gaenq ndwn hwnjdaeuq lo. “In mbouj in ha? Ok lwed law?” Gou guhmuengz cam de baenzlawz yiengh, “mbouj miz saeh, mbouj miz saeh, dan log di naeng.” De sing daemq naeuz. Gou caeuq de couh yienghneix baenz baengzyoux ndei lo.

Daj seizhaenx le, dou ngoenz-naengz cuengqhag cungj doxcaez guh-caemz. Dou miz haujlai gyaemzmaij doxdoengz, lumjbaenz vehveh, byaen naezgau……Song dou daegbied gyaemz byaenj duzgunjlunz iq caeuq duzngwz iq, dou lij doxcaez yawj ceksaew veh gungjlungz, doxcaez raiz cozyez, doxcaez dingq gojgaeq.

Miz ngoenz ndeu cuengqhag, gou bae ranz de ra de guhcaemz. Gou youq rog cueng heuh: “Yiz Siujgyauh, vaiq okdaeuq guhcaemz!” Aen cueng hai okdaeuq, boux daxbuz sienh ndeu doiq

gou naeuz: “Gyauhgyauh gaenq buen ranz lo, seizneix dwg gou caeuq daxda de youq gizneix.” Gou dingq le ndawsim youq hoj dangqmaz, ngaem gyaemz doeknaiq byaij baedauq. Gou daeuq daengz baihnaj aen laerod, hainduq dauqngexij gij saeh angqyangz gaxgonq dou.

“De guhlawz couh buen ranz lone?”

“De guhlawz mbouj caeuq gou naeuz ne?”

“De lumz gou bae lwi?”

“De dwk dienhvah hawj gou lwi?”

Dauq daengz ranz le, gou coemj haeuq ndaw rungj daxmeh bae daej, gou lwnh gienh saeh neix hawj daxmeh. Daxmeh doiq gou naeuz: “Gyauhgyauh buen ranz bae aen hagdangz wnq hwnj hag lo, gvaqlaeng aiq mbouj dauqma lo.” Daxmeh lij doiq gou naeuz, ciuhvunz moix boux cungj miz haujlai baengzyoux ndei, gou gvaqlaeng lij miz bouxdoh moq. Mwh bouxdoh youq doxcaez, itdingh au insik gij cingzngeih song vunz!

(Baekging Si Haijden Gih Vujyiz Siujyoz ngeih nienzgaep Coj Swjiy boux lauxsae son'gyauq Vei Gaij)

Ngaeuzlaeng Ndaw Fwn

雨中的背影

Lauxsae couh lumj rumz iq seizcin, vanq ceh caizhag hawj raeuz; lumj ndit seizdoeng, raeuq aen sim raeuz; engq lumj aen daeng ndeu, ciuq diuzroen baenaj raeuz. Lauxsae yijvwnz gou Suh lauxsae couhwdw boux lauxsae ndei baenzneix, naj de huzunq youh dwggayez, bwnda ndaemndat baihlaj miz fouq lwgda unqswnh ndeu, seizseiz haeujsim gij doenghdanh dou.

Geiq ndaej ngoenzhaenx gaujsi sat, dou cingq caepcawq aemq daehsaw dauq ranz, mbwn sawqmw doek fwnhung, doxgaiq dieggayez cungj yawj mbouj cingcuq. Gou mbouj dawz gyaepiengj, you daxmeh youq bakdou hagdangz caj gaenq lai, cingq caepcawq cung haeuq ndaw fwn bae. Couh youq seizneix, Suh lauxsae rag dawz gou naeuz: “Mwngz mbouj miz liengj, baenzneix rwed fwn haengjdingh deng fatsa, lauxsae soengq mwngz okbae ba.” Mbouj caj gou hoiz, Suh lauxsae fwngz got gou daengz henzgyawj, fwngz gang liengj, caeuq gou doxcaez byaij haeuq ndaw fwn bae. Seizneix, fwn yied doek yied hung, rumz hix yied baed yied hung. Suh lauxsae doq cengqgengz gang liengj, doq got gaenq gou youq henzgyawj de, aen liengj itcig caix coh mbiengj gou, gou deng lauxsae hoh ndaej ndei raixcaix, mbouj deng rwed. Hoeng, Suh lauxsae daengx ndang gaenq dumz liux. De soengq gou

daengz henzgyawj daxmeh, mbouj caj gou caeuq daxmeh naeuz gyo'mbaiq, de gaenq cienqndang cung haeuq ndaw fwn bae lo, ganj dauqbae soengq doengzhag wnq.

Yawj ngaeuzlaeng Suh lauxsae ndaw fwn, gou raemxda doek lo, gou coh ngaeuzlaeng Suh lauxsae bae gyaem haenx gungj laeng baiq mbat ndeu. Gyo'mbaiq mwngz, lauxsae ndiepgayez.

Duzbya liz mbouj ndaej raemx, duzroeg liz mbouj ndaej ndoeng, raeuz majhung hix liz mbouj ndaej lauxsae caenhsim son'gyauq. Gou rox Suh lauxsae gyaemz dou, dou hix gyaemz mwngz, boux lauxsae gingqgyayez dou!

(Nanzningz Si Gyanghnanz Siujyoz Liuz Yizyingi)



Gou Hag Rox Guhsaeg

我学会了洗衣服

Gyoengqsou bang daxmeh guh hongranz lwi? Lumjbaenz: Cat rek, baet deih, uet deih……Gou ngoenzneix dwg raiz bang daxmeh guhsaeg. Gou dwg baenzlawz guhsaeg? Guhsaeg mizyinx lwi? Gyoengqsou daeuq dingqdingq ba.

Ngoenz ndeu, gou caeuq doengzhag bae dwkgiuz dauqma, roxnyinh buhvaq gou youh uq youh haeu, naemj guhsaeg, hoeng, gou mbouj rox guhsaeg, mbouj miz banhfap, gou cij ndaej ra daxmeh.

“Daxmeh, gou mbouj rox guhsaeg, mwngz sonson gou ba.” Gou naeuz.

Daxmeh naeuz: “Mwngz dawz buhvaq cuengq roengz ndaw doengj bae, gya raemx dumx gvaq buhvaq, cuengq di raemxyw guhsaeg, ceh buengq diemjcong.”

Buengq diemjcong daengz lo, va, buhvaq gou baenzhaenx uq, raemx cungj bienq ndaem lo. Gou cam daxmeh: “Daxmeh, mwngz vihmaz hawj gou yungh raemxyw guhsaeg ceh buhvaq buengq diemjcong gonq?” Daxmeh naeuz: “Aenvih mwngz daenj buhvaq hau, buhvaq hau saeg seuq hoj lai, ndigah ceh gonq.”

Seizneix hainduq saeg buhvaq, gou caiq gya di raemxyw guhsaeg roengz ndaw doengj bae, itcig fousaeg. Daxmeh naeuz, au saeg daengz buhvaq bienq hau cij ndaej. Gou ciuq daxmeh bae guh, itcig saeg, itcig saeg, fou daengz fwngz cungj naet lo, buhvaq cij saeg seuq.

Gou seizneix cij rox, gij saeh yawj cix lumj ngaih, guh cix caen hoj dangqmaz.

(Baksaek Si Yougyangh Gih Cunghvaz Siujyoz Maz Hungzgenh)

